

Jasmina Bišćević Tokić
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

**Uputiti: Vladi Kantona Sarajevo, Ministarstvu prostornog uređenja, građenja i zaštite
okoliša Kantona Sarajevo i KJKP RAD**

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16), upućujem inicijativu Vladi Kantona Sarajevo, Ministarstvu prostornog uređenja, građenja i zaštite okoliša Kantona Sarajevo i KJKP RAD u vezi sa deponijom Smiljevići.

OBRAZLOŽENJE

Na 25. Sjednici Općinskog vijeća Općine Novi Grad Sarajevo održanoj 30.05.2019. vijećnica Elza Gaković uputila je inicijativu u vezi sa deponijom Smiljevići te i ja upućujem ovu inicijativu Vladi Kantona Sarajevo, Ministarstvu prostornog uređenja, građenja i zaštite okoliša Kantona Sarajevo i KJKP RAD. Naime, Višegodišnja borba građana naselja: Zabrđe, Sokolje, Brijesće, Alipašin Most I, Alipašin Most II, Buća Potok kao i revolt izazvan nesavjesnim odnosom prema njima prije tri godine izazvali su reakciju građana koji su za posljedicu imali proteste i zabranu odvoza otpada. Mnogi zaključaci i zahtjevi građana ni do danas nisu realizirani. Odgovornosti su se usmjeravale na Tuzilaštvo te sprovođenje istražnih radnji, na nelegalno izgrađene objekte. Tada su obavljani razgovori predstavnika građana sa predstavnicima Tužilaštva i obavješteni smo kako su istražne radnje okončane te se može pristupiti sanaciji pokidanih postrojenja za otplinjavanje. Sad nakon tri godine, na žalost imamo teške medicinske dijagnoze, mišljenja ljekara koji kazu da su uzrok tome boravak u blizini gradske deponije Smiljevići te zahtijevaju izmještanje porodice i preporučuju zatvaranje deponije na ovom lokalitetu. Pitam se kao neko ko živi u blizini gradske deponije, kao majka, da li trebaju proći još tri godine, da li treba još oboljelih da bi se shvatila ozbiljnost ovog problema.